

ԱՇՈՏ ՀՈՎՀԱՆՆԻՍՅԱՆԸ ԵՎ ԱՐԵՎՄՏԱՀԱՅՈՒԹՅԱՆ ՊԱՏՄՈՒԹՅԱՆ
ՈՒՍՈՒՄՆԱՍԻՐՈՒԹՅԱՆ ՄԻ ՔԱՆԻ ՀԱՐՑԵՐ

Է. Ա. ԿՈՍՏԱՆԻՅԱՆ

Ականավոր պատմաբան Աշոտ Հովհաննիսյանի «Նալբանդյանը և նրա ժամանակը» կոթողային աշխատությունը հայ ժողովրդի պատմության մի ժամանակահատվածի՝ անցյալ դարի 50—60-ականների խիստ բախդ ու հակասական հարցերի ու խնդիրների յուրատեսակ հայելին ու արձագանքն է։ Հայ ժողովրդի արևելահայ և արևմտահայ հատվածների հասարակական միտքը հուզող բազմաթիվ հարցեր իրենց ինքնատիպ արտացոլումն ու լուծումն են գրտել այդ աշխատության մանավանդ առաջին հատորում։ Աշխատությունը հայ-ժես թե բանալի է տվյալ ժամանակաշրջանի ցանկացած խնդրի վերծանման ու բացահայտման համար։ Այդ մեկնակետից էլ ես մոտեցել եմ նշված աշխատությանը՝ արևմտահայ կյանքի, սահմանադրական շարժման, նրա կողմնակիցների և հակառակորդների, այդ ժամանակի նշանավոր գործիչներ Մկրտիչ խրիմյանի և Գարեգին Սրվանձտյանցի կյանքի ու գործունեության շառավիղները պարզաբանելիս։ Այս հոգվածում խիստ սեղմ և համառոտակի կաշիասեմ անդրադառնալ Աշոտ Հովհաննիսյանի հարցադրումներին, որոնք վերաբերում են Միքայել Նալբանդյանի դիրքորոշմանն արևմտահայ սահմանադրական շարժմանը, ազգային-ազատագրական պայքարին, ապա նրա գործն ալ պայմաններում և այլ ժամանակներում ինքնատիպ շարունակողներին՝ Մկրտիչ խրիմյանին և Գարեգին Սրվանձտյանցին, նրանց տված՝ Աշոտ Հովհաննիսյանի գնահատականին։

Իր արտասահմանյան ուղեորությունները ձեռնարկելիս, Միքայել Նալբանդյանը երկու անգամ եղավ Կ. Պոլսում։ Առաջին անգամ Կ. Պոլիս մեկնելուց առաջ 1860 թ. օգոստոսի կեսերին նա եղավ Երևանում, ապա էջմիածնում, կաթողիկոս Չուխաճյանից հնդկահայ վաճառականների կտակների գործը ստանձնելու արտոնություն ստանալու համար։ Հենց դրանից հետո Թիֆլիսում Նալբանդյանը հանդիպումներ ունեցավ իր վաղեմի թշնամու՝ Սարգիս Ջալալյանի հակառակորդ մտավորականների հետ, և այդտեղ էլ նոր ուժով բորբոքվեց Նալբանդյան—Ջալալյան պայքարը։ Մեր խնդրից դուրս է անդրադառնալ այդ պայքարի մանրամասներին. նկատենք միայն, որ, ինչպես միշտ, Նալբանդյանը հաղթանակով է դուրս գալիս այդ պայքարից։ Կաթողիկոսից ստանում է օրհնության կոնդակ, որը, անշուշտ, ղսպել էր նրա թշնամիներին։ Կարճ ժամանակ անց՝ 1860 թ. նոյեմբերի 20-ին Նալբանդյանը Կ. Պոլսում էր։ Դրանից 10 օր առաջ, 1860 թ. նոյեմբերի 10-ին Մկրտիչ խրիմյանը Գարեգին Սրվանձտյանցի, Երեմիա Տեկանցի և Հրաչյա Սեփկյանի հետ Վանից Պարսկաստանի վրայով ուղեորվում է Անդրկովկաս՝ ծանոթանալու արևելահայ մշակութային կենտրոններին, հասարակական գործիչներին և իր «Ժառանգավորացի» համար հանգանակություն կատարելու նպատակով։ Երևանում նրանց սպասում էր չեքմ ընդունելություն։ Տեղի մտավորականները մի ամիս առաջ պատիվ էին

ունենցել հյուրընկալելու ոռոսահայ հրապարակախոսին, և նրանցից մեկը խան-դավառ տողեր էր հանձնել թղթին «հսկա, բարձր հասակով, սև հոնքերով, մեծ խաժակ աչքերով, առնական դեմքով»¹ Նալբանդյանի մասին: Ահա նույն այդ մարդիկ ջերմորեն ընդունում են հրիմյանին, որի մասին մինչ այդ Մելիքզադեն հողված էր տպել նույն Նալբանդյանի աշխատակցած «Հյուսիսսփայլում»²: Սրևանցի մտավորականը Նահապետ Աթանասյանն էր՝ հաշատուր Աբովյանի նախկին աշակերտը, որ արդեն մեկ ամիս անց այնքան է մտերմանում հրիմյանի և Սրվանձտյանցի հետ, որ նրանց հետ ուղևորվում է Արևմտյան Հայաստան, դառնում «Ժառանգավորացի» աշակերտներից մեկը, ապա «Արծվիկում» հանդես դալիս հրապարակախոսական հոդվածներով:

Էջմիածնում կաթողիկոսից կոնդակ վերցնելով՝ հրիմյանն սկսում է իր շրջապատությանը արևելահայ մշակութային կենտրոններում: Առանձնապես բուռն ընդունելության է արժանանում հրիմյանը Թիֆլիսում: Տեղի եկեղեցիներում նրա բարոյների ժամանակ հավաքվում էր հսկա բազմություն: Դա բացատրվում էր նրա բարոյների բովանդակությամբ: Այդ տարօրինակ վարդապետը, մի կողմ դրած հայսմավորքն ու ավետարանը, շանթեր էր արձակում ժողովրդի ցեցերի՝ վաշխառուների և նույնիսկ իրենց հոգևոր պաշտոնը չարաշահած հոգևորականների վրա: Այդ շանթերից բաժին հասան նաև Իմերեթիայի թեմի հոգևոր առաջնորդ Սարգիս Զալալյանին: Սկսվեց քսությունների և նենյությունների մի մեծ արշավանք, ընդհատվեց հրիմյանի շրջապատությունը Թիֆլիսում, ցուցակագրված հանգանակությունների գումարը դեռևս չհավաքված «Արծիվը... ձեռնունայն ու թեկաթափ վերադարձավ Երևան», իսկ էջմիածնում նրանից հետ վերցրին կաթողիկոսի կոնդակը, հրիմյանի ճանապարհորդությունն ընդհատվեց: Փաստորեն Զալալյան-հրիմյան պայքարն ավարտվեց առաջինի հաղթությամբ, չնայած բարոյական հաղթանակը հրիմյանի կողմն էր: Ինչպես տեսնում ենք, տարբեր են գործիչները. ոռոսական կայսրության կենտրոնում հրատարակվող սլարբերականի՝ «Հյուսիսսփայլի» գլխավոր աշխատակիցը և Արևմտյան Հայաստանի տարածքում առաջին սլարբերականի խմբագիրն ու գլխավոր աշխատակիցը: Սակայն նույն ուղղությամբ էին տեղում նրանց մղած պայքարի շանթերը՝ Սարգիս Զալալյանի և նրա արբանյակների դեմ, որոնք հրիմյանի դիպուկ խոսքերով՝ ոչ թե հոգևորական էին, այլ «աղ անհամալը» և վաղուց էին հեռացել իրենց քրիստոնեական գործելակերպից:

Նույն այդ ժամանակ Նալբանդյանը Կ. Պոլսում ծավալել էր իրեն հատուկ կրթող և բուռն պայքարի Նա գիտակցում էր Կ. Պոլսի դերը արևմտահայ մշակութային ու հասարակական կյանքում, ուր այդ ժամանակ սուր պայքար էր ընթանում ազգային սահմանադրության ընդունման համար: Պայքարն ընթանում էր մի կողմից՝ թուրքական կառավարության և նրան հարած ամիրայական վաշխառուական վերնախավի, մյուս կողմից, Ֆրանսիայում կրթություն ստացած լուսավորչալ մտավորականների և նրանց հարած արհեստավորական խավերի և գավառից պանդխտած հոծ հայության ներկայացուցիչների միջև: Թեև ժամանակակիցների բնորոշմամբ՝ պայքարող այդ կողմերն ստացան «յու-

¹ Աշ. Հովհաննիսյան, Նալբանդյանը և նրա ժամանակը, հ. 1, Ե., 1955, էջ 333:

² Հյուսիսսփայլ, 1860, № 11, էջ 407—408:

սավորյալք և խավարյալք»³ անվանումը, բայց պայքարի հիմքում ընկած էր տնտեսական գործոնը: Նալբանդյանը միանգամից հայտնվեց այդ պայքարի հորձանուտում: Չնայած այն հանգամանքին, որ 1860 թ. մայիսի 24-ին հայոց Ազգային ժողովը Կ. Պոլսում ընդունել էր սահմանադրությունը, սակայն օսմանյան մայրաքաղաքը շարունակում էր մնալ արևմտահայերի ազդային ինքնորոշման համար պայքարող ուժերի կարևոր հանգրվաններից մեկը: Աշոտ Հովհաննիսյանի բնութագրությամբ, Կ. Պոլսում Նալբանդյանը «խիստ կարիք էր զգում ազատ և անշարժ խոսք ասելու իր ժողովրդին, համախմբելու նրա ազատագրման համար պայքարող ուժերին, պարզելու նրանց անելիքը, մշակելու նրանց գործողությունների համար հատուկ հրահանգներ ու ծրագրեր»⁴:

Կ. Պոլսում Նալբանդյանն ուներ իր համակիրների մի բույլ, որոնք վաղօրոք ծանոթ էին նրա գրվածքներին Սվաճյանի «Մեղվում» և Ստ. Ոսկանի «Արևմուտքում» «Հյուսիսսփայլից» արտատպած հոդվածներից: Նալբանդյանի՝ Կ. Պոլիս ժամանելու պահին ժողովրդական զանգվածների ճնշման տակ ազգային գործերի տնօրինությունը, խլիվելով կղերաամիրայական վերնախավի ձեռքից, անցնում է արհեստավորների ձեռքը: Քիչ ժամանակ անց այդ շրջադարձին հաջորդեց հակասահմանադրական ռեակցիան: Վախեցած ժողովրդական շարժումներից՝ սահմանադրության հեղինակները դաշն կնքեցին հակասահմանադրականների հետ, և ազգային սահմանադրությունը հանձնվեց Բ. Դուրան վերաբնակությանը: Արդյունքում ստացվեց, Նալբանդյանի բնորոշմամբ, «թլփատված» սահմանադրությունը: Ռուսահայ հրապարակախոսը հայտնվեց սահմանադրականների և նրանց հակառակորդների միջև մղվող պայքարի կիզակետում և իր սլաքներն ուղղեց սահմանադրության բացահայտ թշնամիներին՝ Չամուռճյան-Տերոյենց պատվելիի և նրա արքայականների դեմ, որոնք ազգային սահմանադրությունը մատնում էին թուրքական իշխանություններին, բնութագրելով այն որպես «պետություն պետության մեջ»: Սվաճյանի «Մեղվում» լույս տեսան Մ. Նալբանդյանի «Կ. Պոլսի լուսավորչական համայնքը», «Ազգային թշվառությունը» և հատվածներ «Երկու տող» պամֆլետից: Այդ հոդվածները Մ. Նալբանդյանի մղած պայքարի արտացոլումն էին: Առանձնապես ուժգին էին «Ազգային թշվառություն» հոդվածը և «Երկու տող» պամֆլետը, որ ռուսահայ հրապարակախոսը հայ հոգևորականների դեմ Ռուսաստանում մղած սուր պայքարը տեղափոխում էր Կ. Պոլիս, մերկացնելով նրանց արևմտահայ գործիչներին, Կ. Պոլսի և արևմտահայ գավառի ազգային ջոշերին՝ Պողոս Մելիքյանին, Հովհաննես Չամուռճյանին և այլոց: Մ. Նալբանդյանը հարձակվում էր Կ. Պոլսի Ազգային և կրոնական ժողովների վրա, որոնք կիսատպուստ որոշումներով պաշտպանում էին Վանի հոգևոր առաջնորդ, վարդապետ, ապա եպիսկոպոս Պողոս Մելիքյանին: Ազգային սահմանադրության իրավական նորմերի գործադրման տեսանկյունից Նալբանդյանը պահանջում էր Պողոսին դատապարտել իր գործած չարիքների համար ոչ թե կրոնական ժողովի կիսատպուստ որոշումներով, այլ պետության պատժական մարմինների միջոցով՝ իբրև քրեական հանցագործի: Գավառահայ ռեակցիոն կղերը սարսափում էր սահմանադրական վարչական բարեփոխումներից: Նրանք իրենց ղեկավար Պողոսի հետ դաշն են կնքում հայ շորպաճիների, քուրդ շեյխերի և դե-

³ Մ. Մաշտոցի անվան Մատենադարան, ձեռ. 4177, էջ 40:

⁴ Աղ. Հովհաննիսյան, նշվ. աշխ., էջ 330:

րևելյան հետ Անդրիում նախաձեռնություն կտրուկ ներկայացնում է իր հավատամքը. «Զի կարելի իրավադատություն քարոզել և անիրավությունը պաշտպանել... Զի կարելի ազատություն քարոզել և խղճմտանք բռնաբարել»⁵: Վերլուծելով Մ. Նալբանդյանի՝ Պողոսի դեմ ուղղված պայքարի ընթացքը, Աղոտ Հովհաննիսյանը նշում է. «Պողոսին մերկացնում էին խրիմյանն ու նրա աշակերտները՝ Սրվանձտյանցի և ուրիշներ, արտահայտելով տեղական առևտրի և ապրանքայինացող գյուղատնտեսության պրոգրեսիվ մղումները»⁶: Չնայած «պրոպագանդային» պիտակին, համեմայնդեցիս, այստեղ խրիմյանը և Սրվանձտյանցի ներկայացվում են իբրև գավառական նոր զարգացող բուրժուազիայի ներկայացուցիչներ: Այս դնահատականի հետ համաձայնել չենք կարող, նրանք երկուսն էլ՝ ուսուցիչը, և՛ աշակերտն արտահայտում էին ամենալայն դեմոկրատիայի՝ չարավոր գյուղացիության և արհեստավորության շահերը և այդ դիրքերից էլ պայքարում էին և՛ բարձրաստիճան հոգևորականության, և՛ ամիրայության, և՛ սահմանադրության նախկին հեղինակների դեմ, որոնք աստիճանաբար դաշն էին կնքում նրանց թշնամիների հետ: Շարունակելով իր միտքը դավառահայ բուրժուազիայի մասին, Աղոտ Հովհաննիսյանը գրում է. «Գավառահայ բուրժուազիան ավելի մոտ էր կանգնած գյուղացիությանն ու արհեստավորությանը... նրա առաջավոր ձայնատարները պայքարի մեջ էին ֆեոդալների և առևտրավաճառական ցեղերի հետ: Նրա ղադափարախոսներից մեկը՝ խրիմյանը, բանի դեռ չէր լքել գավառը և չէր կորցրել կապերը գավառի ժողովրդի հետ, քարոզում էր ժողովրդասիրական, հայրենասիրական իդեալներ, լուսավորում արտագրող մասսայի միտքը, խրախուսում արտագրության բարձր եղանակներ, շարժում դավառահայ բուրժուազիայի աղգային-քաղաքական մրափած եռանդն ու գիտակցությունը»⁷: խրիմյանի գործունեության հետևողական ուսումնասիրությունը մեզ հանգեցրել է այլ կարծիքի: Նա երբեք իր կապը չկտրեց հայ դավառներից: Այդ հարցին թերևս լավագույնս կարելի է պատասխանել հայ եկեղեցու ականավոր պատմաբան և հմուտ տարեգիր Մաղաքիա Սրմանյանի՝ խրիմյանի վերաբերյալ աջ դիրքերից արված քննադատությամբ. «Ինքն գավառի գավառի, գավառական կյանքի անձնանվեր, գավառի ժողովրդին վիճակով տողորմած և գավառացի տարրին բարվոքումը միայն իրեն նպատակ բրած, գավառեն գատ բան շնոսեցավ, գավառեն գատ բան շլսեց, բայց գրգռախոտաբար այդ նպատակին մեջ ալ արդյունավոր չեղավ»⁸: Բավական է հիշել պատրիարք խրիմյանի օրոք կազմված «Գավառական հարստահարությունների» տեղեկագիրը և նրա քննարկումը սահմանադրական հորջորջված Աղգային ժողովի նիստերում, որպեսզի անվերապահորեն շեշտենք, թե պատրիարք խրիմյանը կապը երբեք չկտրեց գավառից և նրա շահերի պաշտպանության համար էլ հրաժարական տվեց պատրիարքությունից: Պատրիարք խրիմյանի պայքարն աղգային սահմանադրության վերաբնություն համար փաստորեն նպատակամղված էր գավառական՝ գյուղացիական և արհեստավորական խավերի շահերի պաշտպանությանը: խրիմյանի գործունեության բնութագիրը չի փոխվում նաև հետսօղա տարիներին: Աղոտ Հովհաննիսյանի վերոհիշյալ միտքը ճիշտ է ընդհանրապես իբրև գնահատական բուրժուազիայի վերընթաց շարժմանը, երբ

⁵ Մ. Նալբանդյան, իրերի լիակատար ժողովածու, հ. 2, Ե., 1947, էջ 304:

⁶ Աղ. Հովհաննիսյան, նշվ. աշխ., էջ 374.

⁷ Նույն տեղում, էջ 358—359:

⁸ Մ. Օրմանյան, Աղգապատում, Երուսաղեմ, 1927, էջ 4255:

Ֆեոդալիզմի կապանքներից ազատվելու համար նա դաշինք էր կնքում ժողովրդական զանգվածների հետ: Բայց կոնկրետ տվյալ դեպքում հորիմյանն ու Սրվանձտյանցը հանդես էին դալիս իբրև ժողովրդական զանգվածների, ոչ թե բուրժուազիայի ներկայացուցիչներ և շահերի արտահայտիչներ:

Սակայն հետ դառնանք նորից նախնադյանի պոլիսյան զործունեությանը: «Ազգային թշվառություն» հոդվածում նախնադյանը պահանջում է եկեղեցու ռեֆորմ՝ համարյա բոլոր բնագավառներում. ռեֆորմ եկեղեցու տնտեսական կառավարման մեջ, եկեղեցականների՝ դեպի ազգն ունեցած հարաբերության մեջ, եկեղեցականների կրթության հարցում և այլն: Սկզբից եկեղեցու ռեֆորմ պահանջելով վերից՝ այսինքն, կրոնական ժողովի կողմից, նախնադյանը ղուլ-շացնում էր, որ հակառակ դեպքում ժողովրդական զանգվածները ոտքի կենեն եկեղեցու դեմ: Սակայն նույնիսկ այդ սուր հոդվածն էլ ղորու չեղավ օգնելու Կ. Պոլսի կրոնական ժողովին՝ Պողոս Մելիքյանին կարգալույծ անելու կամ պատ-ժելու համար: Դեռ դատը չավարտված, Պողոսը փախավ Վասպուրական և շարունակեց հոգևոր առաջնորդի իր պաշտոնը: Անցավ 10 տարի: Նոր պատ-րիարք հորիմյանը 1870-ին սահմանադրության գործադրիչի պաշտոնով Վան է ուղարկում իր նախկին սանին ու զինակցին՝ Գարեգին Սրվանձտյանցին: Այդ նշանակումն ինքնին հարցականի տակ էր դնում Պողոս Մելիքյանի՝ իբրև հո-գևոր առաջնորդի լիցենզիությունը: Վանում նոր ուժով բորբոքվում է պողոսյան-ապողոսյան պայքարը: Ժամանակակիցներից մեկի դիպուկ բնութագրությամբ⁹ ողջ արևմտահայ կյանքը, նույնիսկ Պոլիսը, անգամ թուրքական իշխանություն-ները բաժանվում էին երկու խմբի՝ պողոսյանների և ապողոսյանների, ըստ ո-րում, սուլթանը նշվում էր իբրև Պողոսի կողմնակից: Արխիվային նյութերը¹⁰ հավաստում են, թե ինչ վճռական պայքար է մղել Պողոսի դեմ Սրվանձտյանցը: Պատրիարք ուսուցչին ուղղած իր նամակներում մեկ առ մեկ թվարկելով Պողո-սի հանցանքները (ինչպես ժամանակին անում էր նախնադյանը), ցույց տա-լով նրա կապը Վանի շորպաճիների՝ Մարությանի, Պանիրյանի, հայկական ծա-գում ունեցող թուրքացած Թեմուրղաղենների գերդաստանի հետ, Սրվանձտյան-ցը վճռականորեն պահանջում է հորիմյանից Պողոսին հեռացնել Վանից՝ թեկուզ իշխանությունների միջոցով, դատել նրան որպես քրեական հանցագործի (այ-սինքն՝ այն, ինչ պահանջում էր նախնադյանը տասը տարի առաջ): Իրեն ձերբա-կալելու եկած զապթիսների մոտ Պողոսը բացականչում է. «Խիանաթ (դավա-ճան—է. Կ.) հորիմյան»,—ազգի մեջ եղած հակակառավարական խրտումների հեղինակը համարելով հայոց պատրիարքին, «Զեյթունի ապստամբեցուց կա-ռավարության դեմ»¹¹,—հայտարարությամբ Պողոսը հայոց պատրիարքին և նրա զինակիցներին մատնում է կառավարությանը: Նույնիսկ Պողոսին աքսո-րելուց հետո, օգտագործելով հորիմյանի հրաժարումը պատրիարքությունից, Պողոսի կողմնակիցները՝ Պոլսի և գավառի կղերամիրայական վերնախավը դանկանում էր առանց միջոցների մեջ խտրականություն դնելու վերականգ-նել նրա դիրքերը: Սակայն դա չի հաջողվում: Փաստորեն նախնադյանի մղած պայքարն ավարտին է հասցվում հորիմյանի և Սրվանձտյանցի միջոցով: Վեր-ջինս, որ 70-ականների 2-րդ կեսից ոտքով շրջագայել էր Արևմտյան Հայաս-

⁹ Ա. Թեդեպաշյան, Արծիվի իր բուլնին մեջ, Փարիզ, 1938, էջ 188:

¹⁰ Ե. Զարենցի անվան Գրականության և արվեստի թանգարան (այսուհետ՝ ԳԱԹ). Սրվ-անձտյանցի ֆ., 2-րդ դ., գ. 30, 32, 190, 191, 312, 466 և այլն:

¹¹ Դիվան հայոց պատմության, հ. ԺԳ, Թիֆլիս, 1915, էջ 444:

այսին համարյա ողջ տարածքը, կազմել բազմաթիվ վայրերի վիճակագրություններ, «Թորոս աղբար» ուղիստության մեջ և պատրիարքարանին ուղղած իր հաշվետու դեկլարացիաներում մերկացնում էր իր կարգակից հոգևորականների շահառու և արհաժանիք ընթացքը և իր մեծ նախորդի նման դնում էր հայ եկեղեցու բարենորոգման պահանջը. «Ժաման է ազգն ալ մաքրե եկեղեցին ու ժողովուրդը իր ապականարար սրբազաններեն և հայ սրբերեն: Ժամանակն է արդար օրհորդական վիճակից հանել և քաղաքական քաջ առնուլ տալ»¹²: Այդպիսով նախընտանի և Սրվանձությանցի միջև ակնհայտ էին Միքայել Նալբանդյանի մղած զաղսկարական պայքարի անմիջական շարունակությունը եղանակների «նորոգումն» և «Աղգային կեդրոնական վարչություն», «Հայրենյաց նոր հառաջդիմության համար մարդ պետք է, թե Կոնստանդնուպոլսում»¹³: Առավել սուր և հետևողական էր նրա երիտասարդ դիմադրող Գարեգին Սրվանձությանցի՝ խոսքով և գործով մղած պայքարը: Իր խմբագրած «Արծվիկ Տարոն» երկշաբաթաթերթի էջերում հրատարակված բազմաթիվ հոդվածներում նա ցույց է տալիս սահմանադրության պարզեցած «շրջանորոգում», այն, որ ազգ օրենքը չի գործադրվում Կ. Պոլսում՝ նրա հեղինակների աչքի առաջ, ուր մնաց դավաճում: «Ի բաց առնունք զՏարոն և ուր արդյոք կտեսնանք զործ կամ կյանք սահմանադրության, որ գավառի հայր վայելեց նորա շնորհք: Թողունք զգավառներ, Պոլսին ինչ տեսավ տակավին, կկանգնի և կիշխի: Երգչկոյն և Կրկին վերավորված կպառկի, ազգը դեռ բարիք մը չտեսավ»¹⁴: Այդ պայքարն առավել սուր կերպարանք ընդունեց, երբ իրավանքը չհարգելու Տարոնի հոգևոր առաջնորդ, իսկ Ս. Կարապետ վանքի միաբանների, խառնադուրի իրավանքի սահմանադրական ճիգերին, համերաշխվելով մի շարք զուգակցություն՝ ռեպրեսիայի հետ, թուրքական իշխանության տեղական մարմիններին մատնում էին հոգևոր առաջնորդի ժողովրդաշահ գործունեությունը, նրան մեղադրելով պետական դավաճանության մեջ: Դավերն ու բռնությունները հասան այն աստիճանի, որ վանքի միաբանությունը վարձեց բուրդ ավազակի՝ իրավանքին սպանելու համար: Երեք անգամ կրկնվեցին մահափորձերը, որից հետո իրավանքն իր համախոհներով մեկնեց Կ. Պոլիս՝ իր ժողովրդանվեր գործունեության համար «արդարանալու» Աղգային կեդրոնական վարչության առաջ:

Նալբանդյանն այդ ժամանակ ազատազրկված էր Պետրոպոլսյան ամբոցում: Նույնիսկ Այսքսեկյան ոսովիինում նա ուշի ուշով հետևում էր արևմտահայությանը հույոդ խնդիրներին, արձադանքում իր բարեկամ ու զինակից Հարություն Ավանյանի բոլոր հոգվածներին: Իսկ Սվաճյանը, ինչպես վայել էր «Մեղվի» խմբագրին և Մեղուիսիային, իր հերթին անմիջականորեն արձագանքում էր բուն Արևմտյան Հայաստանում կատարվող կարևոր իրադարձություններին: Նա հաճախ, առանց ինքնությունը հայտնելու, հոգվածներ էր արտատալում Գարեգին Սրվանձությանցի «Արծվիկից», ուր խմբագիրը մերկացնում էր Աղգային կեդրոնական վարչությանը, նկատագրում տարոնահայության թշվառ կացությունը¹⁵: 1864 թ. բանտում գտնվող Նալբանդյանը թույլտվություն ստա-

¹² ԳԱԲ, Բ. Ազատյանի ֆ., ր. 12, գ. 10525:

¹³ Արծուի վասպուրական, 1861, № 1, 2, 3, 5, 8:

¹⁴ Արծվիկ Տարոն, 1865, № 44:

¹⁵ Ի դեպ, ուսումնասիրողներից Հ. Ղազարյանը այդ հոդվածները վերագրել է Սվաճյանին,

ցավ 3-րդ բաժանմունքի հսկողության ներքո հոգված տպել «Հյուսիսափայլում»։ Այդ հնարավորությունը նախանշական օգտագործեց գնահատելու «Մեղվի» և Սվաճյանի կատարած գործը, դրա հետ միասին բնութագրելու նաև խորիմյանին և նրա խմբին. «Գավառների գրությունը նկարագրեց Մեղուն, Վասպուրականի թշվառությունը ստորագրեց Մեղուն, Տարոնի խռովությունը պատմեց Մեղուն, արժանապատիվ Մկրտիչ վարդապետին սլաշտպանեց Մեղուն, նորա վերա գիշերային լուսության մեջ հրացան գատարկողների ընդդեմ բողոքեց Մեղուն, գավառ չթողեց, գեղ չթողեց, ամեն ծակ ու ծուկ մտավ Մեղուն, թող մեռնի Մեղուն, թող վանեցի պողոտաները փառավորվեն»¹⁶։ Նույն 1864-ին Սրվանձրտյանցը պայքարում է ոչ միայն Պողոսի, այլ նրանից բարձր աստիճանի վրա դրած հոգևորականի՝ Աղթամարա հաշատուր կաթողիկոսի դեմ, որն իր նախորդի՝ Պետրոս Բյուրյուլի սպանությամբ դավթեց կաթողիկոսական աթոռը և Պողոսից ավելի անհազ շահագործում էր տարոնահայությանը։ «Այս հաշատուրն է, որ խեղճ ժողովուրդը այսպես կհաստատահարե, կկեղծե ու մորթաղերձ կրնե, նա է գավառին թանդիմաթը, թաշիրը և դամշուր առնողը, որով հարյուրապատիկ կնեղե զժողովուրդ...»¹⁷։ Պատմելով հաշատուրի բաղամաթիվ հանցանքների, հավաքած հարկերի և դրամաշորթության մասին, Սրվանձտյանցը մեծ համարձակությամբ Պոլսի Ազգային վարչությունից պահանջում է. «Ի պատիժ Վարչություն, ի պատիժ արկեք ձեր ձեռքերը, քննեցեք, բայց և պատժեցեք, մեր ազգի թե՛ եկեղեցական և թե՛ աշխարհական ստահակները շատ են»¹⁸։ Սրվանձտյանցը մեկ առ մեկ թվարկում է հայ եկեղեցականների կատարած շարագործությունները Վասպուրականում, Այրարատում, Երուսաղեմում և Կ. Պոլսում, ապա պահանջում է «Իսկ դու վարչություն... փութա ձգել քո ձեռն ըստ ձեռնհասության ի դատաստան, սրբել աղղը նենգավորներն և շարագործներն. այս է քո միակ մեծագործությունը»¹⁹։ Ինչպես տեսնում ենք, Սրվանձտյանցի կրթող ոճը չի գիշում նախանշականին։ Այնքան մեծ էր ռուսահայ հրապարակախոսի հմայքը, ուժը և ազդեցությունն արևմտահայ դեմոկրատների վրա, որ նրանք հաճախ վերջինի խոսքերն առանց փոփոխության, առանց հայտնելու հեղինակի ինքնությունը, գրաքննությունից խուսափելու համար, դրում էին իրենց թերթում, իրենց անունից։ Այդպես է վարվում և Սրվանձտյանցը, իր «Արծվիկի» էջերում գետեղելով հ. Աբովյանի նախկին աշակերտ Նահապետ Աթանասյանի՝ առաջին հայացքից կրոնական թվացող հոգվածը, որի խորագիրն էր. «Արձանական դիմառնություն ի տապան է սրբոյն Սահակայ Պարթևի հայրապետին»²⁰։ Այդ հոգվածում հեղինակը Սահակ Պարթևի անունից հայտարարում է. «Ծառը արմատովն է ծառ. տուն հիմամբ է տուն, հետևաբար ազգություն լծակն ու հաստաբանը է հաստաբակ ժողովուրդը. առանց ասոնց չկա ազգություն և ուր չկա ազգություն, հոն ի՞նչ մարդկություն»։ Նախանշականի այս

Սրվանձտյանցի հոգվածներով հաստատել Սվաճյանի հեղափոխական դեմոկրատ լինելը. իսկ Սրվանձտյանին դասել պահպանողականների շարքում (տե՛ս Է. Ղազարյան, Արևմտահայերի սոցիալ-տնտեսական և քաղաքական կացությունը 1800—1870 թթ., Ե., 1967, էջ 624)։

¹⁶ Մ. Նախանջյան, նշվ. աշխ., հ. 3, Ե., 1940, էջ 108։

¹⁷ Արծվիկ Տարոն, 1864, Բ շրջան, նոյեմբերի 15 (Ձ 30), էջ 23։

¹⁸ Նույն տեղում, էջ 24։

¹⁹ Նույն տեղում։

²⁰ Նույն տեղում, Ա շրջան, օգոստ. 15 (Ձ 24), էջ 94։

խոսքերի կրկնությունը ցույց է տալիս հողվածի հեղինակի և խնդագրի հավատարմությունն ալղ գրգռվածներին:

Աշոտ Հովհաննիսյանի աշխատության մեջ հանգամանորեն վերլուծվում են նալրանդյանի «Երկրագործությունը որպես ուղիղ նանապարհ» աշխատության հեղինակման և լույս ընծայման շարժառիթները և նպատակները: Գրտնելով տողի փրկության խելացի հնարը հողի և երկրագործության մեջ, նալրանդյանը ոչ թե ևտ էր նայում դեղի «նատուրալ-տնտեսական ռուսոյալուսն յողիխան»²¹, ալլ աղղսլին վաճառականության միջոցով տեղական ընական ըրերերի և երկրագործության արղյունքների վաճառահանումը համարում էր երկրագործության դարդացման նպատակը: Նալրանդյանն առաջ էր քաշում լոխասովական ըանկերի կամ հատուկ ընկերությունների ստեղծման ռաղափարը, որոնք պետք է նպաստեին մանր գյուղացիական տնտեսություններին: Նալրանդյանի աշխատության անմիջական արձագանքը եղավ Սվաճյանի կուղմից Մեղվում հրատարակված «Ով այսօր հող չունի, վաղը հաց չունի» հողվածը²², որն էլ իր հերթին ունեցավ ալլ արձագանքներ: Խրիմյանը և Սրվանալրոյանցը խոսքով և գործով ձևոնամուխ եղան այդ գաղափարների՝ կյանքում իրականացմանը: Վասպուրականում և Տարոնում վերջիններիս հովանավորությանը և օղնությանը ստեղծվում են ըազմաթիվ ընկերություններ, որոնք իրենց կանոնաղրությունները հրատարակում էին «Արծուի Վասպուրականի» և «Արծուիկ Տարոնյի» էջերում: Երկրագործության զարդացումը Սրվանալրոյանցը համարում էր պանղխտություն կոչված շարիքին դիմակայելու ամենաղործուն միջոցներից մեկը: «Պետք է հողեր գնել, պետք է տեղ տեղ փոքրիկ պանք հաստատել, որոնք գոնե հայր պանղխտության դիմելե ետ կկեցնի»²³: Գյուղատնտեսության հետ միասին Սրվանալրոյանցը ցանկանում էր զարկ տալ արղյունաբերության զարդացմանը, որպեսղի հասարակ ժողովուղը, ընչաղուրկ զանգվածն աշխատանք և աղրուստ որոնելիս չլքի հայրենի եզերքը և չըռնի պանղխտության ուղին:

Գրավոր խոսքին հաջորդեց Սրվանալրոյանցի պրակտիկ գործունեությունը: 1865-ին նա գործուն մասնակցություն է ցույց տալիս Ակնում Միսաք Թիմուրյանի կողմից կաղմված «Նահապետական» ընկերության գործունեությանը: Իրեն ալղ ընկերության վստահված անձ, Սրվանալրոյանցը տնօրինում է նրանց զումարները: Նրան հաջողվում է ընկերության համար գնել Մշո դաշտի անմարդաբնակ Շքավղիան դյուղը և հիմնաղրել «Նոր հայ» դյուղը: Միսաք Թիմուրյանը լույս է ընծայում ընկերության կանոնաղրությունը և արտահայտում իր հայացքներն ալղ ընկերության գործունեության մասին: «Թորոս աղբարի» առաջին հատորում վերլուծելով ընկերության գործելակերպը, Սրվանալրոյանցը ընդարձակ հատվածներով մեջբերում կատարելով, համերաշխվում է ալղ հալացքների հետ: Թիմուրյանն ու Սրվանալրոյանցը ցանկանում էին «Նոր հայ» դյուղը դաղթեցնել Ակնա «խեղճերին» և ալլ վայրերի աղբատ մարղկանց և վարերին «օրինավոր տնտեսություն»: Գյուղը վարելու էր չորս հոգուց բաղկացած տեսչական ժողովը: Աշխատանքի արղյունքը պետք է բաշխվեր այնպես, որ ըավարերը տարվա աղրուստը, իսկ մնացորղն ուղարկվելու էր վաճառքի՝ է-

²¹ Աղ. Հովհաննիսյան, նշվ. աշխ., էջ 519:

²² Մեղու, 1862, հունիս:

²³ Գ. Սրվանալրոյանց, Թորոս աղբար, հ. 1, Կ. Պոլիս, 1879, էջ 269:

ժան և մատչելի գներով: Այդ հանգամանքը հատուկ ընդգծվում էր: Ընկերության անդամներն իրար դիմում են ընկեր դրաբարյան դեղեցիկ բառով...²⁴:

Որոշ ժամանակ նախապատրաստական աշխատանքներ կատարելուց հետո ակնեցիները տեղափոխվեցին «Նոր հայ» գյուղը, սակայն, Սրվանձտյանցի խոսքերով, «երկրի ու քաղաքականության դժվարությանց պատճառով», Ռիմուրյանը չկարողացավ «նահապետական» ընկերությունը հեռի քաղաքացու վիճակի մեջ: Արևմտյան Հայաստանում այդ փաստը եղակի չէ: Նման նպատակով դործունեություն են ծավալում բոլոսահայերը և խնդրում իրիմյանի օժանդակությունը²⁵: Առավել ցայտունն էրգրումի մի խումբ հայրենասերների փորձն էր՝ «երկրադորձական տիպար ազարակ» հիմնելու և երկրագործությանը դարկ տալու համար: Ընկերության անդամները գործուն նամակագրություն սկսեցին Մ. Խրիմյանի հետ²⁶, նրա խորհուրդն ու օգնությունն ստանալու նպատակով: Սակայն թուրքական կառավարությունը կտրուկ անապահատելից դնված հողային տարածքը հայերի վրա թափու անելուն: Երկրագործական այդ ընկերության անհաջողությունից հետո հենց նրա հիմնադիր անդամներն ստեղծեցին «Պաշտպան հայրենյաց» գաղտնի կազմակերպությունը: Կարող ենք նկատել, որ այդ ընկերությունները եղան ազատագրական նպատակներ հետապնդող կազմակերպությունների նախադրուք:

Այսպես կարելի է շարունակել փաստերը: Սակայն բերվածն էլ բավարար էր ապացուցելու, որ Խրիմյանն ու Սրվանձտյանը արևմտահայ ղեմկրատներն արաշին շարքերում էին: Փաստորեն Աշ. Հովհաննիսյանի աշխատության, արխիվային փաստաթղթերի և հաղմագրուտ մատենադիտական արժեքների կայացնող մամուլի փաստերի համադրությամբ պորձ ենք կատարում մերանայել մեծ գիտնականի բնութագրումները: Մկրտի, Խրիմյանի և Գարեգին Սրվանձտյանցի վերաբերյալ:

АШОТ ИОАННИСЯН И НЕКОТОРЫЕ ВОПРОСЫ ИЗУЧЕНИЯ ИСТОРИИ ЗАПАДНЫХ АРМЯН

Э. А. КОСТАНДЯН

Резюме

Монументальный труд выдающегося историка Ашота Иоаннисяна «Налбандян и его время» — своеобразное эхо и зеркало сложных и противоречивых вопросов и задач в истории армянского народа 50—60-х гг. прошлого века. Оценивая борьбу Хримяна и его соратников против реакционных деятелей Погоса Меликяна и Ованеса Чамурджяна, Иоаннисян причисляет первых к представителям провинциальной буржуазии, с чем мы не можем согласиться.

Архивные документы и материалы периодики свидетельствуют о том, что Хримян и Срвандзтянц являются представителями широкой демократии.

²⁴ Ի տարբերություն մերօրյա քաղաքական այրիների, ոտներ այդ բառի վրա են ոտով բռնելիկյան պատկանելություն:

²⁵ ԳԱԹ, Սրվանձտյանցի ֆ., 2-րդ բ., գ. 315, 437.

²⁶ Յ. Մ. Նշիլան, Առաջին կայծեր, 1930, էջ 110.